

ORATIO  
IN ADVENTU

R.mi Patris Magistri

PHILIPPI

GESVARDI

Ordinis Minorum Conuentua-  
lium Generalis.

Patauii habita A Fratre Io. Baptista Tasso  
de Voltagio eiusdem ordinis, no-  
mine celeberrimi col-  
legii diui Antoni.



Patauii, apud Laurentium Pasquatium 1596.  
Superiorum Permissu.

Horatij Gulielm I Pineroliensis  
Carmen ad Oratorem.



N tua Gorgoneo perfundit labra  
liquore,  
Nectens hæc capiti Laurea ser  
ta tuo,

Vertice nata Iouis summi Tri  
tonia Virgo

Cælestis Sophiæ, munera larga tulit,  
Celica dum pandis ter magni gesta Philippi  
Festino ueniens ex Helicone gradu,  
Quo duce desertas terras Astræa reuifit,  
Francisci redeunt aurea sæcla pii,  
Auspice quo Seraph grandis Corbita minorū  
Nō timet Vndifoni crebra pericla maris.

R.<sup>mo</sup> Patri Magistro Philippo Gesualdo Ord.  
Min. Con. Ministro Generali amplifs.

*Fr. Io. Baptista Tassut de Voltagio, S. P. D.*



Vam tribus iam annis peractis tuam  
Reuerendisissimam ueritus præsentia,  
trepido, & tepido forsân sermone de  
te, apud te habui orationem, eam ho  
die descriptam tibi offero, non quod amplum  
tuarum laudum campum his limitibus com  
plexum esse existimem, sed potius, ut quod in  
cômptè uerbis exposui aliquo melius scripta re  
ferant. Scio tuas aures undequaq; modestissi  
mas proprias laudes egrèferre, atq; eò magis  
scriptis, typoq; mandari non facile perpeti; hu  
militer tamen te obsecro, hoc pauperculi filii  
obseruantia signum, atq; hunc studiorum fru  
ctum (quamuis sero primordia uideri possit)  
ne despicias, quòd si facies, ut confido, dein  
ceps philosophia, ac Theologia fruges tibi of  
ferre non uerebor. Modò nō ipse solus, sed uni  
uersum Sancti Antonii Patauini Collegium, cu  
ius nomine ad tuum tunc ueni conspectum, ut  
uiuas foeliciter,

Et uideas Pili secula terna senis.

Deum optimum Maximum deprecatur. Vale

Patauii mense Nouemb. 1696.

# ORATIO.



ILLUSTRE ac propè di-  
uinū hominū genus in terris  
est ( Reuerendissime Pater  
Religionis Seraphica ornatif-  
simū decus ) qui nihil spectant  
nisi eccelsū, & sublime, nihil nisi se uerū,  
& graue, nihil nisi magnum, et admirabile, ni-  
hilq; nisi sanctū, & cæleste, qui ad omnia  
somnia nati, ac terrena omnia, quasi quoddā  
uiliſſimū cænum aspernati, in hac mūdā  
scena solius immortalitatis splendorem, seu po-  
tius diuini cuiusdam numinis maiestātē præ-  
seferētes unius uirtutis effigiem, ac solida glo-  
ria imaginem summopere excolūt; etenim sen-  
sibus omnibus subactis, sola in eis ratio domi-  
natur eamq; animæ partem, quæ mēs dicitur,  
semper ad rerum cælestium cōtemplationem  
eueniāt, uoluntatem huius parui regni reginā,  
quæ rationis, mentisq; gerat imperiū, & su-  
premam in homine sedem obtinet, in diuinis  
contemplandis occupant, et in memoria sem-  
per habent innumera summi, ac immortalis  
Dei beneficia in se collata, singularem pietatē

tis ardorem; incredibile clementie argumen-  
tum, et admirabile amoris monumentum il-  
lius, qui infinita sua omnipotentia cuncta con-  
didit, & mira providentia uniuersum guber-  
nat. O Numen hominum, qui et literarum  
eruditione uigent, & integritatis lumine re-  
splendet, quibus ab incunabulis creatoris sa-  
pientia alma Natura dedit omnibus antecel-  
lere, ut ii quoddam numen diuinum cum nu-  
tricis lacte imbibisse uideantur: quare non im-  
merito diuinus ille Plato nunquam satis lau-  
datam de hoc genere hominum pronunciauit  
sententiam; honestam in homine uirtutem tā-  
ta preditam esse excellentia, et pulchritudine,  
ut si corporeis oculis cerneretur, omnes in ad-  
mirabilem sui amore excitaret. Eius generis  
mibi uideor te uidere ( Reuerendisime Pa-  
ter) cuius propemodum diuina uirtus non so-  
lum hanc nostram Franciscanam Religionē,  
sed etiam alienos homines in maximam hic  
admirationē traxit, & tanquā fulgentissi-  
mum sidus, de sublimi specula honestis disci-  
plinis illucescit. Ego uerò tui amore allectus  
potius quàm, ut tuarum uirtutum splendorem  
significem, licet totius disciplina ignarus, non  
quidem

quidem, ut à te aliqua assentatione gratiam  
concupari uidear, sed ut mea erga te obserua-  
tia argumentum ostendatur, de tuis laudibus  
dicturus in hunc locum conscendi; neq; uerò  
Patria celebritatem, sanguinis nobilitatem,  
uetusstatem familie, parentum disciplinam cō-  
memorabo: longum etenim esset de his omni-  
bus orationem habere, et sigillatim singula  
laudibus referre, & plura mihi superessent,  
quæ pro temporis angustia, & pro imbecillita-  
te ingenii mei perstringere non possem; itaq; tā-  
tum eas uirtutes explicabo, quæ à te ipso pro-  
ficiuntur, quandoquidem sunt uera laudes  
ingenui uiri, quæ non alieno labore, sed pro-  
prio Marte comparantur. Igitur à tuo no-  
mine ducam exordium (ut in philosophorum  
more positum est) Philippus quid enim prese-  
fert nisi philosophia Limpha? quid sibi uult  
philosophia Limpha, nisi omnigena sapietia oc-  
ceanum, quæ duos ramos continet? nam al-  
tera eius pars in rerum diuinarum inuesti-  
gatione uersatur, quæ bonarum artium, ac il-  
lustrum disciplinarum fons potest nunctu-  
ari; Altera in laudabili uita ratione, quæ mo-  
rum probitate pollet, & uita integritate su-  
per-



pereminet, est posita. Quis enim est (prestantissimi Patres in utroque sapientia genere Philippo, uel praestantior, uel illustrior? si enim eas disciplinas, quas liberales (eòquod sint libero digna) sapientes uocant, recenseam, omnes in huius pectore tanquam in Parnasi culmine hospitium construxisse comperiam; si uero praclaram eius uitam honestatem spectemus, procul dubio uirum admirabilem intuebimur, namque a primis annis eam artem, quae ceterarum origo & fundamentum est, optime percepit, illaque praestantis ingenii signa dedit, quae decent ingenuum adolescentem; ut omnes aequales suos facile superauerit. In eo admirabantur ceteri iuuenes ingenii acumen, indolis praestantiam, animi ingenuitatem, ut ipsum tanquam exemplar omnes sibi proponerent, ac nec latum quidem unguem ab eius imitatione discederent. Quare ut animum optimis artibus institueret, ad oratoria praecepta capeffenda se totum contulit, et ad unam eloquentiam, quae homines à barbaro uiuendi usu ad politicam normam in Ciuitatem conuocat, omnes uires intendit. Legimus Paridem Helenae pulchritudine allectum (qua tanta uenustate in historiis

celebratur, spartam, quam simul cū tota Re-  
gione bello uastauit, & expugnauit, nauigasse,  
ibiq; Helenam ipsam rapuisse ferunt. Tu ue-  
rè Paris es ( Religiosissime Antistes ) quem  
ob id patrem eloquentia dixerim: Quod sparta  
mundanarum uoluptatum, concupiscentia-  
rum regione uastata, quæ homines à rerum di-  
uinarum contemplatione retardant, & menti  
obstant, tuo subiugasti rationis imperio; Hele-  
nam scilicet uberrimam eloquentia uenam ca-  
terarum artium Reginam rapuisti. Tu alter  
Paris uirtutis honestate impulsus longissimas  
terras peragraſti, tot Maria transmeaſti, tot  
adyſti pericula, tantas subiisti difficultates,  
ut non eam eloquentiam, quæ moleſta, & odio  
ſa garrulitate obſtrepens, & inanem, vulga-  
remq; detinet elocutionem: ſed eam, quæ inge-  
nuis artibus perpolita, curam, dignitatem, ac  
perpetuam laudem ſpectat, tuis retuliſti mo-  
numentis; teſtantur præclares illæ tuæ concio-  
nes, quibus hominum uoluntates ad ſolā Chri-  
ſtianam uirtutem amplexandam ex rerum  
mundanarum appetitu abducebas, populoſq;  
in uitiorum labem prolapſos mellita oratione  
ad Deum cōuertebas; teſtatur Neapolis olim  
urbs



urbs regia: testatur Panormum Scicilia me-  
tropolis: testantur ha Antenor's Artes, noua  
Italia Athenae, qua tantam profectó dicen-  
di uim, tantumq; doctrinae flumen ex ore  
tuo emanans; quo hominum mentes dicendo  
suauissimè alliciebas, plenissimè hauserunt.  
Deinde (Patres optimi) noster hic Antistes  
ad philosophiae studia se contulit, cuius specu-  
lationi tantum erat innixus, ut rerum natu-  
ralium causas, prima principia, ignotas rerum  
differentias, nude materiae essentiam, forma-  
rum quidditates, accidentium inherentiā, na-  
turae entitatem, motuum uicissitudines, Calorum  
motus, planetarum anfractus, uniuersi immen-  
sitatem, intelligentiarum assistentias, ac inti-  
ma prorsus natura archana nemo eo accura-  
tius est contemplatus, nemo diligentius per-  
scrutatus, nemo subtilius differuit, nemo acu-  
tius inuestigauit; Quam obrem nil aliud nobis  
pollicetur praeclarum Philippi nomen, nisi quā-  
dam scientiarum perfectionem; si illud intimis  
sensibus contemplari uelim, reperiā primam  
nominis litteram, qua P. est, in ea philosophia  
uersari, quae non est unica uirtus, sed omnes  
ingenuas artes exprimit: nam cum sit duplex

philosophia genus circa res diuinas, alterū cognoscēdi, alterū diligēdi, ita ceteris in utroq;  
excellere studuit, ut omne uita tēpus, in rerū  
supra Cælestiū cōtēplatione cōsumat, oēsq; co-  
gitationes ad unius Dei amorē intendat. H.  
Cum non sit littera, sed aspirationis nota mi-  
serias, erumnasq; significat, ut nobis innuat,  
te non litteram occidentem, laboribus plenam,  
sed spiritū uiuificantem, ab hac infoelicitatū  
arce alienum semper excoluisse, a quo primū  
die fuisti in hanc lucem editus: nam munda-  
nis scientiis ferē neglectis ad I. substantiam  
perfectam puncto coniunctam, qua in hoc no-  
mine merito. H. connectitur, hoc est Iesum  
Christum, qui. I. suæ diuinitatis, quæ non so-  
lum est perfectissima substantia, sed etiam  
omnium perfectionum pelagus puncto animæ  
copulās. H. nostra carnis infoelicitate, et mor-  
te plena peccatorum maculis corrupta, quæ  
substantia erat tanquā nīlū ante Deum,  
in incarnatione coniunxerat, totis uiribus ita  
semper anhelauit, ut diceret cum diuo Paulo  
mihī uiuere Christus est, & mori lucram. La-  
littera longa excedens ceteras, appositē con-  
scribitur, etenim iis animo semper infixum ha-  
buit

buit uitam hanc esse mortis umbram; Proinde ad alterius uitae Longitudinem & perpetuitatem mentem traduxit; si enim linea est ex punctis Longitudo, cuius extrema sunt duo puncta, hic summopere studuit à puncto in punctum huius rectae lineae percurrere, idest mala uitare, & bonum complecti, ut ad Caelestem uitae aternitatem aduolaret. I. iterum recensetur, nam saepe, & praedicationibus, et orationibus plurimos incredulos hebreos, qui ad eum dicentem audiendum multoties conuenerant ad uerā Christianam Religionem conuocauit, in eamque fidem induxit, ut quem Crucifixum solum hominem primum putabant, eum Messiam gentibus promissum, qui iam uenit de Virgine natus, et uerum Deum, & uerum hominem esse toto corde crederent, & confiterentur. Animaduertite Patres in hoc nomine triplicatam litterā. P. haud sine misterio, quid? ut te triplici uiuendi genere effloruisse, demonstraret; qui non Ethica solum uitae facultate, quae in se uirtutibus exornando consistit, & non modo in Oeconomica ratione, quae familiae curam administrandam suscipit, sistit gressus, sed altiorem sedē politici dominiū

conscendit, qua in uniuersa Reipublica admi-  
nistratione uersatur; dum ad ordinis magi-  
sterium assumptus est; Quod omnibus perspi-  
cium est, ex eo quod suorum studiorum cur-  
su peracto, Romae Conuentus Baccalaurea-  
tum gessit summa cum laude, ac suis ordinis  
decore: quamobrem Perusium ad Generalia  
Comitia accersitus. ab Antonio Fera tunc Re-  
uerendissimo ordinis Generali Ministro, in  
sula doctoratus fuit insignitus, & Religionis  
scriba, seu Cancellarius est declaratus. Cum  
uerò in eo munere subeundo per triennium  
quam laudatissime omnem operam, omnemque  
industriam posuisset, Neapoli primum, dein-  
de Panormi, postremo Patauii in hoc celebra-  
tissimo D. Antonii Canobii tanquam Scoti-  
ca disciplina exemplar singulare, quod omnes  
imittarentur, Magister Regens creatus est;  
quibus in locis litterati uiri, qui hoc praeceptore  
Theologicis litteris operam dabant, cum indi-  
cendo grauem, in ueritate indaganda peracri-  
tum, in discernenda maturum, in speculando  
subtilem, in pertractando distinctum, in solu-  
endis questionibus doctorem in refragabilem,  
in enucleandis scholasticorum Patrum senten-

tiis, fundatissimum semper habebant. Felix  
Patauium Vrbs Florentissima, tum ingenio-  
rum celebritate, et doctrina copia, tum tanti  
uiri illustrata disciplinis. Sed dum in hoc ce-  
lebrissimo loco Regentis munere fungeretur,  
absens Minister Prouincialis sua Prouin-  
cia à Patribus electus. Eodem anno scriptor  
ordinis, et socius Assistens Reuerendissimi  
P. Generalis Francisci Gualdensis iterum  
est pronuntiatus. Hinc non post multum  
temporis Assisi Comissarius Generalis de-  
nunciatur, ubi tanta desferitate ferè corru-  
ptos mores restituit, pristinum uita genus penè  
neglectum tanta prudētia reduxit, ut politica se-  
de se dignissimum demonstraret; nonne hac  
sunt clarissima praestantis hominis signa. Hoc  
igitur unum restabat ad collabentem Reli-  
gionem subleuandam, ut politicum munus  
aggrederetur. Quamobrem in eo Patrum Cō-  
uentu Romae proximè habito tanto gaudio,  
tantoq; iubilo, non solum nostra Religionis,  
sed etiam totius Romanae Curiae, & preser-  
tim summi Pontificis Clementis Octauī Gene-  
ralis Minister cōmuni Patrum consensu  
creatus est. V. litera bilinea uocalis ueritatis

amorem in duos riuulos & Contemplatiua,  
& Actiua uita diffusum praefiguratur, quo gen-  
tes ad Christianam religionem uocauit ut iis  
quasi duabus rotis sua Auriga caelestes aulas  
conscendere posset. Sacra scientia eruditi me-  
uirum sapientissimum. S. ultima nominis li-  
tera explicat, qui uera sapientia à summi Io-  
nis cerebro prognata, hoc est ab eterni patris  
intellectu ab aeterno progenita, in corde ima-  
ginem fixit, qua uera remedia cum salubri  
medicina coniuncta, populis praestitit, angeli-  
cas acies numerauit ac summi Dei naturam  
aliis inuestigauit. Quis (Patres) in genere ho-  
minum diuina sapientia splendore fulgen-  
tior? quis mentis acumine praestantior? quis  
uè maior in hoc genere laudis? sed ad cam-  
philosophia partem, quae uita bonitatem com-  
plectitur, nostra se conuertat oratio; quid. n.  
signat cognomen? Gesualdus nisi Iesus amo-  
re ardentem hominem? in hoc uere uiguit fir-  
missimum in primis fidei Christianae columen  
almum fidei profugium; ardens charitatis  
flamma, qui pro eius defensione nullos recusa-  
uit labores, nulla uè uitauit pericula, ut fide-  
lium mentes Igne diuini amoris estuarent, ut



eis, quibus non deerat uita exemplo, submini-  
strauit uerborum flamen, quo accenderentur.  
Christum dominum gerit in pectore gentium  
animos ad diuinarum rerum contemplatione  
eueuat, suggerit fragrantiam sanctitatis, ubi  
fideles in Christi amore spiritu tepecebant.

Quod sanè aperiunt tot deuotionis indicia,  
quæ ubiq; spartim disseminauit: nam nominis  
Iesu confraternitatem sub Dominica passio-  
nis titulo pluribus in locis, sed præsertim Pa-  
tauii, & Neapoli, tum ad animarum profe-  
ctum, tum ad Dei gloriam instituit, & funda-  
uit, ut tanta mysteria Christi fideles præ ocu-  
lis haberent, atq; hoc sinapis granum eximia  
deuotionis ad summum excresceret. Quid o-  
pus est uerbis? in hoc uno Philippo Gesualdo  
tanquam in admirabili rerum omnium epilo-  
go ea, quæ ad morum probitatem, & uirtutū  
splendore pollet, uirtus residet optimo princi-  
pe digna. nam iustitia cum in malis corrigen-  
dis, tum in bonis premiandis; temperantia,  
uel in panis statuendis, uel in frenando minus  
rectos animi impetus; fortitudo intollerandis  
Reipublicæ laboribus, & aduersis perferen-  
dis; prudentia in bonis semper expectandis,

malis

malis uerò fugiendis in te sedem locarunt.  
Nihil enim unquam egisti, nec agis, quod nō  
sit summa dexteritati adiunctum, nihil in gra  
uioribus negotiis absoluis, quod recta rationis  
moderatione non perficiatur. O Antistitem  
nobilissimum, O Prasulem dignissimum, O vi  
rum in omni posteritate celebrandum. O Rē  
publicam preclarissimam tanti Principis sa  
pientia gubernatam. Quis non congaudeat  
in tam uniuersali letitia? quid boni non pol  
licetur Franciscana Religio? congaudet ho  
rum amplissimorum patrum senatus, qui te  
uenerantur, & colunt: latatur hac adolescen  
tium Florentissima frequentia, quibus ad  
ueram uirtutis arcem, iter patefecisti; gau  
det amplissima philosophorum societas, te so  
phum, ac præceptorem, ad eorum tecta incolu  
men peruenisse. Congratulatur præterea uni  
uersa hæc Patavina Familia tuo isto aduen  
tu, quæ in te uno omnium priscorum patrum  
splendorem admiratur. Itaq; tanta letitia,  
et ego gestiens (Reuerendissime Pater) in il  
lud Platonis elogium prorumpo, felicem (in  
quiebat ille) tunc Rempublicam fore, cum  
Reges

Reges aut philosopharentur, aut essent philosophi. O felix, o beata Franciscana Respublica, cui philosophus princeps praest & dominatur; quae obsecro (Patres amplissimi) aut est, aut erit unquam Respublica hac nostra, uel beator, uel felicior? In qua Philippus Gesualdus omnibus modis uenerandus, omnibus numeris absolutus tanta cum laude sceptrum ministrat; qui Religionem litteris Florentem ornabit, & augebit, afflictam excitabit, iacentem eriget, turbatam placabit, et oppressam Dei Opt. Max. auxilio, ac eius insigni prudentia, eximia sapientia, ac singulari auctoritate fouebit. Hec igitur sunt (amplissime Pater) quae ut tantam latitiam explicarem pro tua ad Generalatum creatione, atque ad hanc Urbem accessu, me ad dicendum excitauit, deficerent enim certe latera, si longius orationem traducam, quo circa is erit meae orationis status, ne Auriferas Hesperidum sororum arbores in tuis illustrium uirtutum hortis excolere, liliaque bona uita, morum rosas, & flores litterarum colligere uidear, quasi Picagarula obstrependo. Amphionis Thebani Cithara, Micenis aolidis, Virgilia-

na tuba mihi essent exoptanda, ut tuarū lau-  
dum praconia celebrarem, ac immensum tua-  
rum uirtutum campum praecurrerem. Silebo  
tacitus, mecum hac animo uoluens, & nega-  
tium, quod ceteros longè eloquentiores & ora-  
tores defatigauit taciturnitate absoluam;  
quare te (Reuerendissime Pater) qui studio  
forum Macenas es, non secus ac fuisti sem-  
per, etiam atq; etiam rogo, ut me in tuorum  
numero esse patiaris, meaq; studia pro summa  
tua in litterarū cultores beneuolentia, et pro  
singulari erga tuam Franciscanam familiā  
humanitate, me adiuues, adiutum subleues,  
subleuatum tuo fauore foueas, me enim sem-  
per habebis & perpetuum tuarum laudum  
praconem, et assiduum apud Deum preca-  
torem, ut comissam tibi familiam in finem  
perfectum dirigas, tibiq; prosperè eueniant  
omnia. Faxit igitur Deus, ut pro eius gloria,  
te nobis diutissime conseruet, et euehat ad  
summum dignitatis fastigium.

Dixi.

W



Fr. Paulus Sanfon. Vic. S. Inq. Patauii  
Alex. Terentius Vic. Gen.



PATAVII,



Apud Laurentium Pasquatium. 1599

ALBERTUS V. G. M.  
F. 1000 2000 7. 10. 1000



ALBERTUS V. G. M.

F. 1000 2000 7. 10. 1000